



REPUBLIKA E SHQIPËRISË
KOMISIONI I PROKURIMIT PUBLIK

Nr.1896/6 prot.

Datë 22.06.2026

V E N D I M

Nr. 845/2026

Komisioni i Prokurimit Publik, i përbërë nga:

Fiorent Zguro
Kreshnik Ternova
Gjergj Mersini

Nënkryetar
Anëtar
Anëtar

Në mbledhjen e datës 22.06.2026 shqyrtoi ankesën me:

Objekt:

Shfuqizimi i vendimit të Komisionit të vlerësimit të ofertave për kualifikimin e ofertës së paraqitur nga operatori ekonomik OE Fatjon Dalipi PF në procedurën e prokurimit “E hapur, e thjeshtuar”, me Nr. REF-85092-05-11-2026, me objekt: “*Raport Auditimi për Efijencën Energjetike: Qendër Ekonomike EXPO dhe stacion multimodal*” me fond limit 1,396,500.00 lekë (pa tvsh), zhvilluar me datë 25-05-2026 nga autoriteti kontraktor, Bashkia Lushnje.

Ankimues:

PC STORE SHPK me Nipt L01606034A dhe adresë:
Rruga e Dibres, Vila nr.153, Kati i Pare. , Tirane, Tirana

Autoriteti Kontraktor:

Bashkia Lushnje
Lagjja “ Kongresi i Lushnjës“ Lushnjë.

Subjekte të Interesuara:

Fatjon Dalipi PF me NIPT M21627009L dhe adresë:
Tirane Tirane Rruga "Jordan Misja", Bulevardi Ri, Orbital
Apartments, Nj. Sherbimit N-02, Kati Perdhe

Baza Ligjore:

Ligji nr. 162/2020 “Për Prokurimin Publik” i ndryshuar, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4 i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi shqyrtoi ankesën e paraqitur nga operatori ekonomik ankimues dhe pasi diskutoi çështjen në tërësi,

Vëren:**I***Vlerësimi paraprak*

I.1. Vlera limit e përlllogaritur për procedurën e prokurimit objekt-ankimi është nen kufirin e ulët monetar, ndaj shqyrtimi dhe vendimmarrja do të behet nga tre anëtarët, në përputhje me pikën 1, të nenit 30 të ligjit nr. 162/2020 “Për prokurimin publik” i ndryshuar dhe Rregullat e Prokurimit Publik, i ndryshuar.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohen për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për prokurimin publik”, i ndryshuar.

I.4. Operatori ekonomik ankimues nuk ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II*Rrethanat e çështjes*

II.1. Në datën 12-05-2026, në Sistemin e Prokurimeve Elektronike, është publikuar procedura e prokurimit E hapur, e thjeshtuar”, me Nr. REF-85092-05-11-2026, me objekt: “Raport Auditimi

për Eficiencën Energjetike: Qendër Ekonomike EXPO dhe stacion multimodal” me fond limit 1,396,500.00 lekë (pa tvsh), zhvilluar me datë 25-05-2026 nga autoriteti kontraktor, Bashkia Lushnje.

II.2. Në datën 25-05-2026, autoriteti kontraktor zhvilloi procedurën e prokurimit objekt - ankimi.

II.3. Në datën 04.06.2026 autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e rivlerësimit të Komisionit të Vlerësimit të Ofertave.

II.4. Në datën 05.06.2026, autoriteti kontraktor ka publikuar në SPE “Formular Njoftim -Fituesi Paraprak”, për procedurën e prokurimit objekt-ankimi, ku fitues është shpallur fitues paraprak Fatjon Dalipi ” PF NUIS: M21627009L.

II.5. Nëpërmjet Sistemit të Ankesave Elektronike pranë Komisionit të Prokurimit Publik si edhe pranë Autoritetit Kontraktor është depozituar ankesa me numër ankimimi nr. A/2026/6811 datë 15.06.2026 si dhe nr. protokoli 1896/2026 protokolluar datë 16.06.2026 e operatorit ekonomik PC STORE SHPK , ku u konstatua, se objekti i saj lidhet me kundërshtimin e vendimmarrjen e Komisionit të Vlerësimit të Ofertave, mbi kualifikimin e ofertës së paraqitur nga operatori ekonomik “Fatjon Dalipi PF, i cili nuk përmbush kriteret e vendosura për kualifikim sipas operatorit ekonomik ankimues ne ankesen ee tij.

II.6. Në përputhje me nenin 112 “Veprimet paraprake” të ligjit nr.162/2020 “Për Prokurimin Publik”, i ndryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit nr. 1896/1 prot., datë 17.06.2026

II.7 Më datë 19.06.2026 , nëpërmjet sistemit te SAE , Autoriteti Kontraktor ka ngarkuar shkresën me përmbajtje “Autoriteti Kontraktor, pasi shqyrtoi dokumentacionin e procedurës dhe afatet ligjore për ushtrimin e së drejtës së ankimit rezulton se në datë 04.06.2026 , nr.5342 prot, është ngarkuar në Sistemin e Prokurimit Elektronik Formulari i Njoftimit të Fituesit,Pas Publikimit të të cilit fillojnë afatet e ankimit,i cili është publikuar më datë 05.06.2026,nga ky moment fillon afati 7(shtatë) ditor i ankimit.Gjatë këtij afati 7(shtatë) ditor pranë Autoritetit Kontraktor dhe sistemit të ankesave të Komisionit të Prokurimit Publik nuk u konstatua asnjë ankesë,për rrjedhojë Autoriteti Kontraktor vijoi me ngarkimin e formularit të njoftimit të fituesit, në përfundim të afateve të ankimit me nr.5660 prot,datë 12.06.2026,i cili u publikua në SPE më datë 15.06.2026, ndërsa ankesa është depozituar në sistemin e ankesave të Komisionit të Prokurimit Publik (ëëë.kpp.al) në datën 15.06.2026, pra 3 (tre) ditë pas përfundimit të afatit ligjor. Bazuar në Ligjin nr. 162, datë 23.12.2020 "Për Prokurimin Publik", i ndryshuar ,neni

110 ,pika 2 dhe 7 si dhe në VKM-në nr.285,datë 19.05.2021 “ për Miratimin e rregullave të Prokurimit Publik”, neni 97, pika 2, rezulton se ankesa e paraqitur nga Operatori Ekonomik “PC STORE” shpk është depozituar jashtë afatit ligjor të ankimit, duke sjellë kështu mosshqyrtimin e saj në themel nga Autoriteti Kontraktor.” Kjo shkrese mban Nr prot 5880/2 datë 19.06.2026 protokolluar me tonen 1896/3 datë 22.06.2026.

II.8. Nga shqyrtimi i akteve të ndodhura në fashikullin e shqyrtimit administrativ rezulton, se operatorët ekonomikë të interesuar në këtë procedurë prokurimi, nuk kanë dorëzuar argumente në përputhje me nenin 113 të LPP-së, i ndryshuar, në formë shkresore apo në sistemin e ankesave elektronike.

III

Komisioni i Prokurimit Publik

pas shqyrtimit të ankesës, dokumentacionit bashkëngjitur kësaj ankese,

Arsyeton:

III.1. .1. Në datën 12-05-2026, në Sistemin e Prokurimeve Elektronike, është publikuar procedura e prokurimit E hapur, e thjeshtuar”, me Nr. REF-85092-05-11-2026, me objekt: “Raport Auditimi për Efiçencën Energjetike: Qendër Ekonomike EXPO dhe stacion multimodal” me fond limit 1,396,500.00 lekë (pa tvsh), zhvilluar me datë 25-05-2026 nga autoriteti kontraktor, Bashkia Lushnje.

II.2. Në datën 25-05-2026, autoriteti kontraktor zhvilloi procedurën e prokurimit objekt - ankimi.

II.3. Në datën 04.06.2026 autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e rivlerësimit të Komisionit të Vlerësimit të Ofertave.

II.4. Në datën 05.06.2026, autoriteti kontraktor ka publikuar në SPE “Formular Njoftim -Fituesi Paraprak”, për procedurën e prokurimit objekt-ankimi, ku fitues është shpallur fitues paraprak Fatjon Dalipi ” PF NUIS: M21627009L.

II.5. Nëpërmjet Sistemit të Ankesave Elektronike pranë Komisionit të Prokurimit Publik si edhe pranë Autoritetit Kontraktor është depozituar ankesa me numër ankimimi nr. A/2026/6811 datë 15.06.2026 si dhe nr. protokoli 1896/2026 protokolluar datë 16.06.2026 e operatorit ekonomik PC STORE SHPK , ku u konstatua, se objekti i saj lidhet me kundërshtimin e vendimmarrjen e Komisionit të Vlerësimit të Ofertave, mbi kualifikimin e ofertës së paraqitur nga operatori

ekonomik “Fatjon Dalipi PF, i cili nuk përmbush kriteret e vendosura për kualifikim sipas operatorit ekonomik ankimues ne ankesen ee tij.

II.6. Në përputhje me nenin 112 “Veprimet paraprake” të ligjit nr.162/2020 “Për Prokurimin Publik”, i ndryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit nr. 1896/1 prot., datë 17.06.2026

II.7 Më datë 19.06.2026 , nëpërmjet sistemit te SAE , Autoriteti Kontraktor ka ngarkuar shkresën me përmbajtje “*Autoriteti Kontraktor, pasi shqyrtoi dokumentacionin e procedurës dhe afatet ligjore për ushtrimin e së drejtës së ankimit rezulton se në datë 04.06.2026 , nr.5342 prot, është ngarkuar në Sistemin e Prokurimit Elektronik Formulari i Njoftimit të Fituesit,Pas Publikimit të të cilit fillojnë afatet e ankimit,i cili është publikuar më datë 05.06.2026,nga ky moment fillon afati 7(shtatë) ditor i ankimit.Gjatë këtij afati 7(shtatë) ditor pranë Autoritetit Kontraktor dhe sistemit të ankesave të Komisionit të Prokurimit Publik nuk u konstatua asnjë ankesë,për rrjedhojë Autoriteti Kontraktor vijoi me ngarkimin e formularit të njoftimit të fituesit, në përfundim të afateve të ankimit me nr.5660 prot,datë 12.06.2026,i cili u publikua në SPE më datë 15.06.2026, ndërsa ankesa është depozituar në sistemin e ankesave të Komisionit të Prokurimit Publik (ëëë.kpp.al) në datën 15.06.2026, pra 3 (tre) ditë pas përfundimit të afatit ligjor. Bazuar në Ligjin nr. 162, datë 23.12.2020 "Për Prokurimin Publik", i ndryshuar ,neni 110 ,pika 2 dhe 7 si dhe në VKM-në nr.285,datë 19.05.2021 “ për Miratimin e rregullave të Prokurimit Publik”, neni 97, pika 2, rezulton se ankesa e paraqitur nga Operatori Ekonomik “PC STORE” shpk është depozituar jashtë afatit ligjor të ankimit, duke sjellë kështu mosshqyrtimin e saj në themel nga Autoriteti Kontraktor.” Kjo shkresë mban Nr prot 5880/2 datë 19.06.2026 protokolluar me tonen 1896/3 datë 22.06.2026.*

III.1.8 Nga verifikimi në sistemin e prokurimit elektronik (SPE) rezulton, se në datën 15.06.2026 , datë në të cilën operatori ekonomik ankimues ka paraqitur ankesë në sistemin elektronik të ankesave me ankimim elektronik me nr. A/2026/6811 , me nr. protokolli 1896/2026 datë16.05.2026 , njëkohësisht si në Komisionin e Prokurimit Publik dhe në autoritet kontraktor, ky i fundit, ka publikuar njoftimin e fituesit, ne datën 05.06.2026

III.1.9. Neni 24, pika 1, “Komisioni i prokurimit Publik” i ligjit 162/2020 “Për Prokurimin Publik”, ndryshuar, parashikon se:

“Komisioni i Prokurimit Publik është organi më i lartë administrativ në fushën e prokurimeve, që shqyrton ankesat për procedurat e prokurimit dhe kryen çdo detyrë tjetër që i ngarkohet me këtë ligj dhe akte të tjera ligjore brenda fushës së kompetencave të tij.

Komisioni i Prokurimit Publik administron të dhënat e Sistemit të Ankesave Elektronike.”

III.1.10. Neni 30, pika 1, “Veprimtaria e Komisionit të Prokurimit Publik” i ligjit 162/2020 “Për Prokurimin Publik” i ndryshuar, parashikon se:

“Komisioni i Prokurimit Publik shqyrton ankesat e paraqitura para tij kur në mbledhje janë të pranishëm të paktën 3 nga 5 anëtarët e tij, një prej të cilëve kryetari ose nënkryetari. Në përfundim të shqyrtimit të ankesave, Komisioni vendos me shumicë votash. Vendimi deklarativ i dhënë sipas parashikimeve të nenit 115, pikat 2 dhe 3, të këtij ligji, jepet nga 3 anëtarë për procedurat e prokurimit nën kufirin e ulët monetar dhe nga 5 anëtarë për procedurat e tjera. Shqyrtimi i ankesave për procedurat e prokurimit nën kufirin e ulët monetar do të bëhet nga 3 anëtarë të Komisionit të Prokurimit Publik”.

III.1.11. Në nenin 110, pikat 2, 7 dhe 8 “Afatet për ankimim” të Ligjit 162/2020 “Për Prokurimin Publik”, i ndryshuar, parashikon shprehimisht se:

*“2. Në procedurat e prokurimit **mbi kufirin e lartë monetar**, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të ankohen **brenda 10 ditëve nga publikimi i njoftimit të fituesit ose publikimi i njoftimi të anulimit**.*

Në procedurat e prokurimit nën kufirin e lartë monetar ky afat është 7 ditë.

7. Në rast se operatori ekonomik nuk paraqet ankesën brenda afateve të parashikuara në këtë nen, atëherë nuk ka mundësi të ushtrojë më të drejtën e ankimit pranë autoritetit ose entit kontraktor dhe Komisionit të Prokurimit Publik.

8. Të shtunat, të dielat dhe ditët e festave zyrtare nuk pengojnë fillimin dhe kohëzgjatjen e afateve. Kur dita e fundit e një afati bie e shtunë, e diel ose një ditë feste zyrtare, afati mbaron në ditën e punës që vjen pas saj. Ankesa quhet e pranuar në ditën e depozitimit të saj pranë autoritetit kontraktor dhe Komisionit të Prokurimit Publik.”.

III.1.12. Në nenin 111, pika 1, të Ligjit 162/2020 “Për Prokurimin Publik”, i ndryshuar, parashikohet shprehimisht se:

“1. Operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik. Rregulla të posaçme për mënyrën e paraqitjes së ankesës përcaktohen në rregullat e prokurimit publik.”.

III.1.13. Neni 112, pikat 1 dhe 2 të ligjit 162/2020 “Për Prokurimin Publik” i ndryshuar parashikon shprehimisht se: *“1. Me regjistrimin e ankesës në Sistemin e Ankesave Elektronike dhe publikimin e saj nga Komisioni i Prokurimit Publik, Sistemi i Prokurimit Elektronik në ndërveprim me Sistemin e Ankesave Elektronike pezullon në mënyrë automatike vazhdimin e procedurës së prokurimit deri në shqyrtimin plotësisht të ankesës, përfshirë edhe nxjerrjen e një vendimi nga Komisioni i Prokurimit Publik me nënshkrim dhe vulë elektronike. Sistemi duhet të zhvillohet duke përdorur teknologji të avancuara të inteligjencës artificiale dhe procese të*

robotizuar për të kryer pezullimin dhe nxjerrjen nga pezullimi automatik i procedurave të prokurimit.

2. Komisioni i Prokurimit Publik, me marrjen e ankesës në përputhje me këtë ligj, publikon në bazën e të dhënave përmes ndërveprimit me sisteme të treta, të dhënat e mëposhtme:

a) për ankimuesin, adresën dhe NUIS-in;

b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës).”

III.1.14. Në nenin 114, pikat 1, 4, 5 dhe 6, “Trajtimi i ankesës nga autoriteti ose enti kontraktor” të ligjit 162/2020 “Për Prokurimin Publik” i ndryshuar, parashikohet shprehimisht se:

“1. Në rastet e ankesave për procesin e vlerësimit të ofertave, autoriteti ose enti kontraktor duhet të shprehet për ankesën e paraqitur brenda 5 ditëve nga përfundimi i afatit kohor në dispozicion të operatorëve ekonomikë të interesuar, sipas parashikimeve në nenin 113 të këtij ligji, për paraqitjen e argumenteve të tyre.

“4. Në çdo rast, autoriteti ose enti kontraktor vë në dijeni për vendimin e marrë Komisionin e Prokurimit Publik, ankuesin, operatorët ekonomikë të interesuar brenda ditës së nesërme të punës nga marrja e këtij vendimi, duke e shoqëruar me shpjegimet dhe dokumentacionin përkatës.

5. Kundër vendimit të autoritetit ose entit kontraktor, operatorët ekonomikë të interesuar, të cilët kanë paraqitur argumentet e tyre në lidhje me ankesën, kanë të drejtën të ankohen pranë Komisionit të Prokurimit Publik brenda 7 ditëve nga marrja e njoftimit nga autoriteti ose enti kontraktor për procedurat e prokurimit nën kufirin e lartë monetar dhe brenda 10 ditëve për procedurat e prokurimit mbi kufirin e lartë monetar, sipas pikës 4 të këtij neni.

6. Nëse operatorët ekonomikë të interesuar nuk kanë paraqitur ankesë sipas pikës 5 të këtij neni, ata nuk do të kenë të drejtë të paraqesin më pas një ankesë për veprimet e autoritetit ose entit kontraktor, të kryera në zbatim të vendimit të dhënë nga Komisioni i Prokurimit Publik”.

III.1.15. Në nenin 115 pika 1, “Trajtimi i ankesës nga Komisioni i Prokurimit Publik” i ligjit 162/2020 “Për Prokurimin Publik” i ndryshuar, parashikon shprehimisht se: “1. Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë:

a) në rastet kur autoriteti ose enti kontraktor ka vendosur pranimin pjesërisht të ankesës, Komisioni i Prokurimit Publik vazhdon shqyrtimin:

i. për pjesën e ankesës/pretendimeve që nuk janë pranuar;

ii. e ankesës/ankesave për pjesën që është pranuar, nëse ka ankesa nga operatorët ekonomikë të interesuar, të cilët kanë paraqitur argumentet e tyre për këtë pjesë në përputhje me nenin 113 të këtij ligji;

b) në rastet kur autoriteti ose enti kontraktor ka vendosur pranimin e plotë të ankesës, Komisioni i Prokurimit Publik do të vijojë shqyrtimin e ankesës, nëse ka ankesë nga operatorët ekonomikë të interesuar, të cilët kanë paraqitur argumentet e tyre në lidhje me ankesën në përputhje me nenin 113 të këtij ligji;

c) në rastet kur autoriteti ose enti kontraktor ka vendosur mos pranimin e ankesës.”

III.1.16. Neni 118, “Vendimet e Komisionit të Prokurimit Publik” i Ligjit 162/2020 “Për Prokurimin Publik”, parashikon shprehimisht se: “1. Komisioni i Prokurimit Publik, në çdo kohë pas marrjes së ankesës dhe para lidhjes së kontratës, kur nuk vendos pezullimin, mund ta lejojë autoritetin ose entin kontraktor, me anë të një vendimi të ndërmjetëm deri në marrjen e një vendimi përfundimtar, të vazhdojë procedurën e prokurimit nëse pezullimi dëmton tërthorazi interesin publik, autoritetin ose entin kontraktor ose ofertuesit.

2. Përpara lidhjes së kontratës, Komisioni i Prokurimit Publik ka të drejtë:

a) të refuzojë ankesën, për shkak të mosplotësisht të elementeve të domosdoshme për shqyrtimin e saj, sipas parashikimeve të nenit 111 të këtij ligji;

b) të pranojë ankesën dhe të urdhërojë autoritetin ose entin kontraktor të anulojë plotësisht ose pjesërisht një veprim ose vendim, të nxjerrë në kundërshtim me ligjin;

c) të refuzojë ankesën dhe të lejojë autoritetin ose entin kontraktor të vazhdojë procedurën e prokurimit, kur gjykon se nuk ka shkelje të dispozitave ligjore;

ç) të nxjerrë vendim deklarativ për mbylljen e çështjes, sipas parashikimeve të pikave 2 dhe 3 të nenit 115 të këtij ligji;

d) të refuzojë ankesën, e cila ka si objekt kundërshtimin e një vendimi të dhënë nga Komisioni i Prokurimit Publik, në rast të një ankese tjetër që i përket të njëjtës procedurë, të paraqitur nga i njëjti operator ekonomik”.

Neni 97 “Afatet për paraqitjen e ankesave”, pika 5, i VKM nr. 285, datë 19.05.2021 “Për Miratimin E Rregullave Të Prokurimit Publik” i ndryshuar, parashikohet se: “5. Në llogaritjen e afateve për paraqitjen e ankesës sipas përcaktimeve në këtë nen nuk do të përfshihet dita e publikimit të njoftimeve përkatëse.”

III.1.17. Referuar bazës ligjore të sipërcituar, Komisioni i Prokurimit Publik gjykon, se afati për dorëzimin e ankesës pranë Komisionit të Prokurimit Publik dhe autoritetit kontraktor, në procedurat e prokurimit nën kufirin e lartë monetar, në rastin e ankesave për kundërshtimin e vendimit të KVO-së lidhur me vlerësimin/klasifikimin përfundimtar, është 7 ditë nga e nesermja e publikimit të njoftimit të fituesit ose i njoftimit të anulimit. Në rastin konkret, operatori ekonomik “PC STORE” SHPK nëpërmjet Sistemit të Ankesave Elektronike pranë Komisionit të Prokurimit Publik si edhe pranë Autoritetit Kontraktor është ngarkuar ankesa me nr. A/2026/6811 , me nr. protokolli 1896/2026 datë 15.06.2026, nga verifikimi në sistemin e prokurimit elektronik (SPE) rezulton se, nga ana e autoritetit kontraktore date 05.06.2026 është publikuar njoftim – fituesi.

Komisioni i Prokurimit Publik gjykon se, operatori ankimues ka dorëzuar ankesë pranë autoritetit kontraktor dhe pranë Komisionit të Prokurimit Publik pas afatit të parashikuar nga neni 110, pika 2 e Ligjit 162/2020 “Për prokurimin publik”, i cili parashikon se: “2. Në procedurat e prokurimit mbi kufirin e lartë monetar, në rastin e ankesave për vendimin e vlerësimit/klasifikimit përfundimtar, operatorët ekonomikë kanë të drejtë të ankohen brenda 10 ditëve nga publikimi i njoftimit të fituesit ose publikimi i njoftimi të anulimit. Në **procedurat e prokurimit nën kufirin e lartë monetar ky afat është 7 ditë.**”, pasi operatori ekonomik ankimues ka ngarkuar në sistem ankesën në datën 15.06.2026, ndërsa autoriteti kontraktor ka kryer njoftimin paraprak të fituesit me datën 05.06.2026 dhe data përfundimtare e ankesës për vlerësim do të ishte data 12.06.2026.

Neni 97 “Afatet për paraqitjen e ankesave”, pika 5, i VKM nr. 285, datë 19.05.2021 “Për Miratimin E Rregullave Të Prokurimit Publik” i ndryshuar, parashikohet se: “5. Në llogaritjen e afateve për paraqitjen e ankesës sipas përcaktimeve në këtë nen nuk do të përfshihet dita e publikimit të njoftimeve përkatëse.”

Referuar parashikimeve të sipërcituara, llogaritja e afatit për ankim pranë autoritetit kontraktor dhe njëherazi pranë Komisionit të Prokurimit Publik, kundër vendimeve të autoritetit kontraktor lidhur me vlerësimin e procedurës së prokurimit, nga e nesërmja e ditës së publikimit të njoftimit të fituesit ose publikimit të njoftimit të anulimit dhe përfundon në ditën e 7-të, në procedurat e prokurimit nën kufirin e ulët monetar.

Në rastin konkret, më datë 15.06.2026, afati i paraqitjes së ankesës pranë Komisionit të Prokurimit Publik dhe pranë autoritetit kontraktor, është jashtë afatit pasi autoriteti kontraktor ka kryer publikimin e njoftimit fituesit me datë 05.06.2026, që do të thotë se operatorit ekonomik ankimues i ka lindur të drejta dhe ankimi nga e nesërmja e kësaj date deri më 12.06.2026. Për sa më sipër, ankesa dorëzuar në datën 15.06.2026, nëpërmjet Sistemit të Ankesave Elektronike pranë autoritetit kontraktor dhe njëherazi pranë Komisionit të Prokurimit Publik, konsiderohet e paraqitur pas afatit ligjor të ankimit, duke mos u legjitimuar *ratione temporis*. Komisioni i Prokurimit Publik gjykon, se ligji *stricto sensu* ka parashikuar, se ankesa dorëzohet njëherazi si pranë autoritetit ose entit kontraktor ashtu edhe pranë Komisionit të Prokurimit Publik dhe është përgjegjësi e operatorit ekonomik ankimues, që të dorëzojë këtë të fundit njëherazi në të dy institucionet, brenda afatit të parashikuar në ligj. Sa më sipër arsyetuar, Komisioni i Prokurimit Publik gjykon, se ankesa e dorëzuar nga operatori ankimues në sistemin e ankesave elektronike, nuk ka përmbushur detyrimin për ndjekjen e afateve ligjore të ankimit në autoritet kontraktor dhe në Komisionin e Prokurimit Publik, ndaj përbën shkak për mospranimin e ankesës nga ana e Komisionit të Prokurimit Publik.

III.18. Në nenin 118, pika 2, gërma “a” të Ligjit nr.162/2020 “Për prokurimin publik” të ndryshuar parashikohet se: “ *Përpara lidhjes së kontratës, Komisioni i Prokurimit Publik ka të drejtë: të refuzojë ankesën, për shkak të mosplotësimit të elementeve të domosdoshme për*

shqyrtimin e saj, sipas parashikimeve të nenit 111 të këtij ligji". Sa më sipër arsyetuar, Komisioni i Prokurimit Publik gjykon, se ankesa e dorëzuar nga operatori ekonomik ankimes, nuk ka përmbushur detyrimin për ndjekjen e afateve ligjore të ankimit, ndaj përbën shkak për mospranimin e ankesës nga ana e Komisionit të Prokurimit Publik. Komisioni i Prokurimit Publik rithekson bindjen e tij, se për shkak të specifikës së prokurimeve publike, respektimi i afateve, është i një rëndësie thelbësore e me ndikim të drejtpërdrejtë në efikasitetin e procedurës, ndaj edhe i qëndron strikt rregullit të parashikuar nga ligji i prokurimit publik si *lex specialis* mbi lëndën.

Për sa më sipër, në mbështetje të neneve 30, dhe 118 të ligjit nr. 162/2020 "*Për Prokurimin Publik*", i ndtushuar Vendimit të Këshillit të Ministrave nr. 285, datë 19.05.2021 "*Për miratimin e rregullave të prokurimit publik*", i ndryshuar, Vendimit të Këshillit të Ministrave nr. 236, datë 20.04.2023 "*Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik*", Vendimit të Komisionit të Prokurimit Publik Nr. 766, datë 13.10.2021 "*Për miratimin e rregullave "Për Organizimin dhe Funksionimin e Komisionit të Prokurimit Publik"*", nenit 4, të Vendimit të Komisionit të Prokurimit Publik nr. 500/2020 datë 5.11.2020 "*Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19*", Komisioni i Prokurimit Publik, njëzëri,

Vendos:

1. Të mos pranojë ankesën e paraqitur nga operatori ekonomik "PC Store" SHPK per proceduren e prokurimit E hapur, e thjeshtuar", me Nr. REF-85092-05-11-2026, me objekt: "*Raport Auditimi për Eficiencën Energjetike: Qendër Ekonomike EXPO dhe stacion multimodal*" me fond limit 1,396,500.00 lekë (pa tvsh), zhvilluar me datë 25-05-2026 nga autoriteti kontraktor, Bashkia Lushnje.
 2. Autoriteti kontraktor të lejohet të vijojë me hapat e mëtejshëm të procedurës së prokurimit si me sipercituar.
 3. Ngarkohet zyra e financës, të kryejë veprimet përkatëse për derdhjen në Buxhetin e Shtetit, të tarifës financiare të paguar nga "PC Store" SHPK.
 4. Kundër këtij vendimi mund të bëhet ankim në Gjykatën Administrative të Apelit.
 5. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Gjergj Mersini

Anëtar
Kreshnik Ternova

Nënkryetar
Fiorent Zguro

